

Ebazpena: R063/2023

Espedientea: E92/2021

Vitoria-Gasteiz, 2023ko ekainaren 1a.

Euskal Autonomia Erkidegoarekiko Ekonomia Itunaren Arbitraje Batzordea honako hauek osatzen dute: Violeta Ruiz Almendral presidenteak eta Sofía Arana Landín eta Javier Muguruza Arrese bokalek. Bada, honako hau erabaki dute:

ERABAKIA

Bizkaiko Foru Aldundiak (aurrerantzean, BFA) gatazka aurkeztu du Zerga Administrazioiko Estatu Agentziaren (ZAEA) aurrean, zehazteko nori dagokion itzultzea SGRESAk ez-egoiliarren errentaren gaineko zergaren kontura egindako atxikipenen soberakinak, 2019an eta 2020an ordaindu zituen dibidenduen gainekoak. Soberakinak DBSAEk eskatu zituen, establezimendu iraunkorrik gabeko zergadun ez-egoiliar jakin batzuk ordezkatzuz. Gatazka hori Arbitraje Batzorde honetan izapidetzen ari da, 92/2021 espediente-zenbakiarekin.

AURREKARIAK

1.- SGRESA sozietateak Bizkaian dauka egoitza fiskala; hala, Bizkaiko foru-araudiaren mende dago sozietateen gaineko zergari dagokionez, eta BFAn ordaintzen du zerga osoa. Dena dela, SGRESA zerga-baterakuntzako talde baten parte da; talde hori Bizkaiko foru-araudiaren mende dago, baina BFAn eta ZAEAn ordaintzen du zerga, lurralde bakoitzean egiten dituen eragiketen bolumenarekin proportzioan.

2.- 2019ko eta 2020ko ekitaldietan, SGRESAk dibidenduak banatu zituen, eta egokitzen ziren atxikipenak egin, pertsona fisikoen errentaren gaineko zergaren, sozietateen gaineko zergaren eta ez-egoiliarren errentaren gaineko zergaren kontura. Bada, BFAn eta ZAEAn sartu zituen zenbatekoak, talde fiskalak egindako eragiketen bolumenarekin proportzioan.

3.- DBSAEk, establezimendu iraunkorrik ez duten zergadun ez-egoiliarrek ordezkatzuz, ekitaldi horietako ez-egoiliarren errentaren gaineko zergaren autolikidazioak aurkeztu zituen BFAn, SGRESAren balore-gordailuzain gisa, SGRESAk bere ordezkatuari egindako atxikipenen soberakinak itzultzea eskatzeko.

4.- BFAk uko egin zion zenbatekoak itzultzeari, ulertu baitzuen ez zeukala horretarako eskumenik, bat etorrita Euskal Autonomia Erkidegoko Ekonomia Itunaren 22.Lau.b) artikulua hiruugarren paragrafoarekin (maiatzaren 23ko 12/2002 Legearen bidez onetsi zen Ekonomia Ituna, eta indarrean dago, *ratione temporis*), SGRESA talde fiskal batekoa zelako, talde horrek zergak BFAn eta ZAEAn ordaintzen zituelako eta DBSAE ZAEAREN ikuskapen-eskumenaren mende zegoelako.

5.- 2021eko urriaren 14an, BFAk ZAEARI jakinarazi zion ez zeukala eskumenik eskatutakoak itzultzeko, eta, hilabeteko epea igaro zenez ZAEAK erantzun gabe, BFAk gatazka planteatu zion Arbitraje Batzorde honi.

6- Gatazka prozedura arruntaren bidez izapidetu da, eta, beraz, bete egin da ZAEAK alegazioak egiteko eta frogatzea eta dokumentazio egokiak aurkeztu eta proposatzeko izapidea. ZAEAK izapidea betetzeko epea luzatzea eskatu ondoren, azkenean, amore emanda, onartu egin du DBSAEk eskatutako itzulketak egiteko eskumena duela.

ZUZENBIDEKO OINARRIAK

1.- Arbitraje Batzordearen eskumena

Arbitraje Batzordeak du gatazka hau ebazteko eskumena, Ekonomia Itunaren 66. artikuluan xedatutakoaren arabera, Arbitraje Batzordearen eginkizunak ezartzen baititu:

«a) Estatuko Administrazioaren eta foru-aldundien artean edo foru-aldundien eta beste autonomia-erkidegoetako administrazioen artean sortzen diren gatazkak ebaztea, bai tributu itunduen lotuneen aplikazioari dagokionez, bai administrazio bakoitzari zenbateko zatia dagokion zehazteko, sozietateen gaineko zergaren edota balio erantsiaren gaineko zergaren baterako tributazioaren kasuetan.

b) Banakako tributu-harremanetako arazo zehatzetan ekonomia-itun hau interpretatzeko eta aplikatzeko orduan administrazio interesdunen artean sor litezkeen gatazkak erabakitzea».

2.- Amore ematea

Interesdunik eta, bereziki, zergapekoa bera aurkeztu ez denez, ZAEAk amore emateak, DBSAEk eskatutako itzulketak egiteko eskumena onartuta, bi administrazioen arteko gatazka bertan behera geratzea eragin du; hortaz, Ekonomia Itunaren Arbitraje Batzordea bideratzen ari zen prozeduraren xedea gerora desagertzea eta, ondorioz, artxibatzea ekarri du.

Horiek horrela, Arbitraje Batzordeak honako hau

ERABAKITZEN DU

1.- Gatazka artxibatzea, ZAEAk amore eman izanak prozeduraren xedea gerora desagertzea ekarri duelako, DBSAEk establezimendu iraunkorrik ez duten zergadun ez-egoiliarak ordezkatzuz eskatutako itzulketak egiteko eskumena duela onartuta.

2.- Erabaki hau jakinaraztea Zerga Administrazioako Estatu Agentziari, Bizkaiko Foru Aldundiari eta DBSAEri.